

sanskog kantona“, broj: 27/18, 31/21, 26/22 i 25/25).

Član 97.

(Finansiranje djelatnosti predškolskog
odgoja i obrazovanja u prijelaznom
periodu)

U prijelaznom periodu bruto plate i topli obrok zaposlenika javnih predškolskih ustanova finansirat će se iz granta predškolskog obrazovanja - dječiji vrtići, a najkasnije do usvajanja rebalansa u tekućoj kalendarskoj godini ili budžeta Unsko-sanskog kantona za narednu kalendarsku godinu.

Član 98.

(Stupanje na snagu)

Ovaj Zakon stupa na snagu osmog dana od dana objave u „Službenom glasniku Unsko-sanskog kantona“.

Broj: 01/1-2-45-637/26
25. februara 2026. godine
Bijać

Predsjedavajući Skupštine
Unsko-sanskog kantona
Nisvet Iusić

227.

U skladu sa odredbama IV. 2.b) i V.A. 11.b) Ustava Unsko-sanskog kantona - prečišćeni tekst („Službeni glasnik Unsko-sanskog kantona“, br. 1/04 i 11/04) i člana 59. stav (3) Okvirnog zakona o osnovnom i srednjem obrazovanju („Službeni glasnik Bosne i Hercegovine“, br. 18/03 i 88/07), na prijedlog Vlade Unsko-sanskog kantona, po skraćenom postupku, na 35. redovnoj sjednici, održanoj dana 25. 2. 2026. godine, Skupština Unsko-sanskog kantona d o n o s i

ZAKON

O IZMJENAMA

ZAKONA O OSNOVNOM ODGOJU I OBRAZOVANJU

Član 1.

U Zakonu o osnovnom odgoju i obrazovanju Unsko-sanskog kantona („Službeni glasnik Unsko-sanskog kantona“, br. 19/23 i 20/24), u članu 45. u stavu (7) broj „40.“ zamjenjuje se brojem „42.“.

Član 2.

U članu 107. u stavu (1) riječi: „od jednog kilometra“ zamjenjuju se riječima: „od tri kilometra“.

Član 3.

U članu 137. u stavu (4) u tački c) broj „136“ zamjenjuje se brojem „135.“, a u tački d) broj „137.“ zamjenjuje se brojem „136.“.

U istom članu stav (6) se briše, a dosadašnji stav (7) postaje stav (6).

Član 4.

U članu 139. u stavu (2) broj „137.“
zamjenjuje se brojem „138.“.

Član 5.

U članu 141. u stavu (2) broj „139.“
zamjenjuje se brojem „138.“.

Član 6.

U članu 143. stav (5) mijenja se i glasi:

„(5) Školski odbor je dužan u roku od osam dana od dana dostavljanja inicijative iz stava (3) i (4) ovog člana razmotriti inicijativu za razrješenje direktora, utvrditi navode iz inicijative, odnosno da li su ispunjeni uvjeti predviđeni za razrješenje propisani ovim Zakonom. Nakon utvrđivanja ispunjenosti uvjeta Školski odbor donosi konačnu odluku uz saglasnost ministra i o njoj obavještava pokretača inicijative“.

Dosadašnji stavovi (6), (7) i (8) se brišu.

Član 7.

U članu 146. broj „139.“ zamjenjuje se brojem „138.“.

Član 8.

U članu 150. u stavu (1) u tački f) broj „90.“, zamjenjuje se brojem „89.“.

Član 9.

U članu 160. u stavu (1) u tački u) broj „83.“ zamjenjuje se brojem „82.“, u tački cc) broj „135.“ zamjenjuje se brojem „134.“, u tački dd) broj „136.“ zamjenjuje se brojem „135.“ u tački ee) broj „138.“ zamjenjuje se brojem „137.“, u tački ff) brojevi „139. i 140.“, zamjenjuju se brojevima „138. i 139.“, u tački gg) brojevi „151., 152., 153.“, zamjenjuju se brojevima „150., 151., 152.“, u tački hh) broj „159.“, zamjenjuje se brojem „158.“.

Član 10.

U članu 161. u stavu (I) u tački a) broj „31.“ zamjenjuje se brojem „32.“, u tački h) broj „131.“ zamjenjuje se brojem „130.“, u tački i) broj „143.“ zamjenjuje se brojem „142.“.

Član 11.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

Broj: 01/1-2-45-638/26
25. februara 2026. godine
Bihać

Predsjedavajući Skupštine
Unsko-sanskog kantona
Nisvet Jusić

228.

Shodno odredbama člana 95. i 177. Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21), postupajući po zahtjevu Ismailovski Amre, na prijedlog Komisije za izbor, imenovanja i finansijsko - administrativna pitanja, na 35. redovnoj sjednici, održanoj dana 25. 2. 2026. godine, Skupština Unsko-sanskog kantona d o n o s i

ODLUKU

**o razrješenju člana Skupštine
ŠPD „Unsko-sanske šume“ d. o. o.
Bosanska Krupa**

Član 1.

Amra Ismailovski razrješava se dužnosti člana Skupštine ŠPD „Unsko-sanske šume“ d. o. o. Bosanska Krupa na koju je imenovana Odlukom o imenovanju članova Skupštine ŠPD „Unsko-sanske šume“ d. o. o. Bosanska Krupa („Službeni glasnik Unsko-sanskog kantona“, broj 4/26).

Član 2.

Imenovana iz člana 1. ove Odluke obavezna je Uredu za borbu protiv korupcije Unsko-sanskog kantona podnijeti prijavu imovine u skladu sa odredbama Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu („Službeni glasnik Unsko-sanskog kantona“, br. 17/22, 10/23 i 20/24).

Član 3.

Ova Odluka stupa na snagu danom donošenja i objaviće se u „Službenom glasniku Unsko-sanskog kantona“.

Broj: 01/1-2-45-640/26
25. februara 2026. godine
Bihać

Predsjedavajući Skupštine
Unsko-sanskog kantona
Nisvet Jusić

229.

Shodno odredbama člana 9. Odluke o Agenciji za privatizaciju („Službeni list Unsko-sanskog kantona“, br. 1/97 i „Službeni glasnik Unsko-sanskog kantona“, br. 3a/00, 6/03, 17/05 i 7/11) i člana 95. Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21), na prijedlog Vlade Unsko-sanskog kantona, na 35. redovnoj sjednici, održanoj dana 25. 2. 2026. godine, Skupština Unsko-sanskog kantona d o n o s i

ODLUKU

**o razrješenju člana privremenog
Upravnog odbora Agencije za privatizaciju
Unsko-sanskog kantona**

Član 1.

Razrješavaju se privremeni članovi
Upravnog odbora Agencije za privatizaciju
Unsko-sanskog kantona i to:

1. Šaćir Fajić, predsjednik,
2. Ernad Poprženović, član i
3. Ademir Mešić, član.

Član 2.

Zadužuju se razrješeni članovi iz člana 1. ove Odluke da, u roku od tri dana, od dana zaprimanja iste, Uredu Vlade Unsko-sanskog kantona dostave podatke potrebne za uspostavu Registra imenovanih lica u Unsko-sanskom kantonu iz nadležnosti Ureda za borbu protiv korupcije.

Član 3.

Ova Odluka stupa na snagu danom donošenja i objaviće se u „Službenom glasniku Unsko-sanskog kantona“.

Broj: 01/1-2-45-641/26
25. februara 2026. godine
Bihac

**Predsjedavajući Skupštine
Unsko-sanskog kantona
Nisvet Jusić**